

增補 庶物類纂

草屬 自七至八

容

太政官文庫			
和	特別	三三三六二	三三三六二
書	門	幕	署
類	號	函	架
四	六	五	册

內閣文庫	
番號	和 32362
冊數	465 (441)
函號	特 54 1

廿九白

廿七

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







增補庶物類纂草屬卷之七目次

薑黃

菝葜

藿香

庶物類纂

草屬目次

薑黃

一名薑朶

吳都賦

一名迷

音迷目草綱目

一名寶馨

同上

薑黃

薑黃味辛苦大寒無毒主心腹結積疰忤下氣破血除風熱消癰腫功力烈於鬱金

梁陶弘景名醫別錄

唐本註云葉根都似鬱金花春生於根與苗並出夏花爛無子根有黃青白三色其作之法與鬱金同爾西戎人謂之莛藥其味辛少苦多與鬱金同惟花生異爾臣禹錫等謹按陳藏器云薑黃真者是經種三年已上老薑能生花花在根際一如藁荷根節緊硬氣味辛辣種薑處有之終是難得性熱不冷本經云

寒誤也。破血下氣。西蕃亦有來者。與鬱金。莖藥相似。如蘇所附。即是莖藥。而非薑黃。蘇不能分別二物也。又云。莖味辛苦。溫。主惡氣。疰忤心痛。血氣結積。蘇云。薑黃是莖。又云。鬱金是胡莖。夫如此。則三物無別。迤相連。名總稱為莖。功狀則合不殊。今莖味苦。色青。薑黃味辛。溫。無毒。色黃。主破血下氣。溫不寒。鬱金味苦。寒。色赤。主馬熱病。三物不同。所用各別。日華子云。薑黃熱無毒。治癥瘕。血塊。癰腫。通月經。治撲損瘀血。消腫毒。止暴風。痛冷氣下食。海南生者。即名蓬莖。莖江

南生即為薑黃

嘉祐補註本草

薑黃舊不載。所出州郡。今江廣蜀川多有之。葉青綠。長一二尺許。闊三四寸。有斜文。如紅蕉葉。而小花紅。白色。至中秋漸凋。春末方生。其花先生。次方生。葉不結實。根盤屈黃色。類生薑。而圓有節。或云。真者是經種。三年以上老薑。能生花。花在根際。一如蕺荷。根節堅硬。氣味辛辣。種薑處有之。八月採根片。切暴乾。蜀人以治氣脹。及產後敗血攻心。甚驗。蠻人生噉云。可祛邪辟惡。謹按。鬱金。薑黃。莖藥。三物相近。蘇恭不

細辨所說乃如一物陳藏器解紛云苾味苦色青薑黃味辛温色黃鬱金味苦寒色赤主馬熱病三物不同所用全別又劉淵林註吳都賦薑彙非一云薑彙大如螺氣猛近真南土人擣之以為薑爰一名廉薑生沙石中薑類也其味大辛而香削皮以黑梅并鹽汁漬之乃成也始安有之據此廉薑亦是其類而自是一物耳都下近年多種薑往往有薑黃生賣乃是老薑市人買生噉之云治氣為最醫家治氣藥大方中亦時用之

宋蘇頌圖經本草

薑黃味辛氣温無毒圖經云是經種三年已上老薑

也多生江廣江西湖廣亦產蜀川色比鬱金甚黃形較鬱

金稍大明陳嘉謨本草蒙筌

謨按鬱金薑黃兩藥實不同種鬱金味苦寒色赤類

蟬肚圓尖薑黃味辛温色黃似薑瓜圓大鬱金最少

薑黃常多今市家惟取多者欺人謂原本一物指大

者為薑黃小者為鬱金則世間之物俱各大小不齊

何嘗因其異形而便異其名也此但可與不智者道

爾若果為是則鬱金亦易得者又何必以山茶花代

取同

薑黃近時以扁如乾薑形者為片子薑黃圓如蟬腹形者為蟬肚鬱金並可浸水染色遂形雖似鬱金而色不黃也

明李時珍本草綱目

薑黃味辛氣溫無毒多生江

江西湖廣

亦產蜀中其色深

黃其氣甚苦

清何培元本草綱目類纂必讀

鎮按鬱金發明條宗奭言可染婦人衣鮮明而不耐日炙者正是薑黃今深家多用之如作圓眼之色如香料內造色俱是薑黃誤作鬱金耳

同上

陳氏曰薑黃出西番及海南今江廣川蜀亦有根莖都類鬱金其花春生色紅白與苗並出即綴根際入夏即爛亦不生子葉如紅蕉色青綠長一二尺濶三四寸上有斜文枝莖堅硬根盤圓扁而屈似薑而小色黃有節味苦臭重為別異也辨之鬱金根形惟圓無旁枝形狀如榧子肉兩頭頗尖隱隱有直稜黃赤轉深浸水並堪染色若莪朮色白微青亦無氣臭蘇氏言與同種者謬矣倪朱謨曰薑黃色色比鬱金甚黃形較鬱金稍大鬱金味苦寒色赤形如橄欖而



黃常多今市家推收多者斯久謂原本一物指大者為薑黃小者為鬱金謬誕極矣近時有匾如乾薑形者為片子薑黃功用同等治臂痛更有効清倪朱謨本草彙言薑黃舊不載所出州郡今江廣蜀川多有之葉青綠長一二尺許濶三四寸有斜文如紅蕉葉而小花紅白色至中秋漸凋春來復生其花先生次方生葉不結實根盤屈黃色類生薑而圓有節或云真者是經種三年以上老薑能生花花在根際一如藁荷根節堅硬氣味辛辣種薑處有之八月採根片切暴乾味

辛苦大寒無毒主心腹結積疰忤下氣破血除風熱消癰腫功力烈於鬱金明王思義三才圖會

機謹按薑苗鬱金莪朮古來難分別蘓恭混註三種蘓頌雖辨之不詳時珍之解亦不詳清何培元本草綱目類纂必讀曰鎮按前賢力辨薑黃鬱金迷藥混混不清予今辨之甚詳薑黃形禿色深黃氣甚辛作姜氣味鬱金有兩種一種形如蟬肚有橫紋色雖黃而淡氣不甚辛又一種小而形瘦兩頭尖細通身皆極縐紋氣不辛而作清香色黃而

白如天麻之色予友官蜀携回治病甚効迷藥則形大而色兼黃中之青也切片其中邊皆似老薑之狀但無姜氣此說確論也本草蒙筌本草彙言之說亦可參考

蓬莪朮

一名蓬莪浦注 一名蓬上同 一名波殺上同 一名

迷藥本草綱目

蓬莪茂

蓬莪茂味甘辛溫無毒生西戎及廣南諸州景陶弘景名醫

子似乾椹葉似藁荷莪在根下並生一好一惡惡者有毒西戎人取之先放羊食羊不食者棄之臣禹錫等謹按陳藏器云一名蓬莪黑色二名迷黃色三名波殺味甘有大毒嘉祐補注本草

蓬莪茂生西戎及廣南諸州今江浙或有之三月生苗在田野中其莖如錢大高二三尺葉青白色長一

二尺大五寸已來頗類藁荷五月有花作穗黃色頭微紫根如生薑而茂在根下似雞鴨卵大小不常九月採削去麤皮蒸熟暴乾用此物極堅硬難搗治用時熟灰火中煨令透熟乘熟入臼中搗之即碎如粉古方不見用者今醫家治積聚諸氣為最要之藥與京三稜同用之良婦人藥中亦多使宋蘇頌圖經本草

蓬莪茂味苦辛氣溫無毒多產廣南諸州或生江浙田野子如乾椹葉似藁荷莖錢大略高根類薑成塊生根底相對似卵大小不常九月採收明陳嘉謨本草蒙筌

機謹按清何培元本草綱目類纂必讀同

今人多以醋炒或者煮熟入藥取其引入血分也明李時珍

本草綱目蓬莪朮蘇氏曰蓬莪朮生西戎及廣南諸郡州今浙江亦或有之三月生苗在田野中其莖如錢大高二三尺葉色青白長一二尺大五六寸頗類藁荷五月黃花作穗花頭微紫根如生薑而朮在根下狀如雞鴨卵大小不常九月採削去粗皮蒸熟晒乾用此物極堅硬難搗用濕紙包裹于灰火中煨令透乘熟搗

之即碎如粉。今人多以醋炒。酒炒亦良。好惡並生。惡者有毒。能殺人。好者無毒。能攻疾。土人取之。先放羊食。不食棄之。陳氏藏器云。一名蓬莪。黑色。二名迷黃色。三名波殺。味并大毒也。

清倪朱謨本草彙言

蓬莪生西戎及廣南諸州。今江浙或有之。三月生苗。在田野中。其莖如錢大。高二三尺。葉青白色。長一二尺。大五寸已來。頗類蓼荷。五月有花。作穗。黃色。頭微紫。根如生薑。而茂在根下。似雞鴨卵。大小不常。九月採。削去麤皮。蒸熟。暴乾。用。此物極堅硬。難搗。治用時。

熟灰火中煨令透熟。乘熱入臼中搗之。即碎如粉。味苦辛。溫無毒。治女子血氣心痛。破瘀癖。冷氣。以酒醋摩服甚効。

明王思義三才圖會

藿香

一名兜婁婆香

楞嚴經

一名多摩羅跋香

法華經

一名鉢怛羅香

金光明經

一名迦算香

涅槃經

一名

藿去病

事物異名

藿香

藿香臣禹錫等謹按南州異物志云藿香出海邊國形如都梁可著衣服中南方草本狀云味辛搗生吏民自種之五六月採暴之乃芬爾出交趾九真諸國嘉祐補注本草

藿香舊附五香條不著所出州土今嶺南郡多有之人家亦多種植二月生苗莖梗甚密作叢葉似桑而小薄六月七月採之暴乾乃芬香須黃色然後可收又金樓子及俞益期賤皆云扶南國人言衆香共是

一木根便是梅檀節是沈水花是雞舌葉是藿香膠是薰陸詳本經所以與沈香等共條蓋義出於此然今南中所有乃是草類南方草木狀云藿香榛生吏民自種之正相符合也范曄和香方云零藿虛燥古人乃以合熏香本經主霍亂心痛故近世醫方治脾胃吐逆為最要之藥

宋蘇頌圖經本草

謹按藿香圖經云二月生苗舊雖附五香條中今詳枝稜殊非木類恐當移入草部爾又雞舌香補注引藥性論及齊民要術圖經引三省故事及千金皆謂

是母丁香又引抱朴子用入眼方則其說自相矛盾若藥性論謂入香中令久自香及為丁香則可以為母丁香若抱朴子為可入眼則丁香恐非宜入眼若含香者則丁香含之口中熱臭不可近蓋嘗試之若以乳香中所揀者含之雖無香味却得口中無臭以其無味故有諸痰利九竅之理諸方多用治小兒驚癇亦欲達九竅也又下條丁香注所說用丁香自當用母者然未知其果否也又薰陸乳香圖經有云今人無復別者今按西出天竺單干南出波斯等國



西來者色黃白南來者色赤紫圖經稱朱生海邊沙  
上盛夏木膠出則是日久相重疊者不成乳頭雜以  
土石其成乳者是新出未雜沙石也薰陸總名也乳  
者是薰陸之乳頭也今松脂楓脂中亦皆如是者多  
矣宋唐慎微  
證類本草

藿香嶺南郡州人多種蔣七月收採氣甚芬香市家

多攬棉花葉茄葉假克不可不細擇爾揀去枝梗入

劑明陳嘉謨  
本草蒙全

豆葉曰藿其葉似之故名楞嚴經云檀前以兜婁婆

香煎水洗浴卽此法華經謂之多摩羅跋香金光明  
經謂之鉢恒羅香皆兜婁二字梵言也涅槃又謂之  
迦算香明李時珍  
本草綱目

藿香方莖有節中虛葉微似茄葉潔古東垣惟用其  
葉不用枝梗今人併枝梗用之因葉多偽故耳唐史  
云頓遜國出藿香挿枝梗生葉如都良者是也劉欣  
期交州記言藿香似蘓合香者謂其氣相似非謂形  
狀也同上

藿香按廣志云出海邊國莖如都梁葉似水蘓可著

衣服中頌曰嶺南多有之人家亦多種二月生苗莖  
梗甚密作叢葉似桑而小薄五六月採日乾乃芬香  
本草綱目云豆葉曰藿此葉似之故名藿香明李中  
立本草

藿香出交廣方莖有節微似茄葉古惟用葉今枝梗  
亦用之因葉多偽也清汪詒菴  
本草備要

之頌曰嶺南頗饒所在亦有二月宿根再發亦可子  
種苗似都梁陶弘景曰澤蘭  
亦名都梁香方莖叢生中虛外節葉  
似荏菹邊有鋸齒七月擢穗作花似蓼房似假蘇子

似荏菹五六月末擢穗時采莖葉曝乾可著衣中用  
充香草踰時則性緩無力矣清劉雲密  
本草述

之頌曰應邵風俗通云南方衡山一名曰藿藿者萬  
物盛長垂枝布葉霍然而大也夫草木至南曰任任  
化育而於時為夏豈非相見於離乎大人以離明照  
四方是宜為正位四氣主上同

自種者良採之如藿香氣者真薄苛香者非也水洗  
去土梗用葉上同

兜婁婆香異物志云出海邊國如都梁香本草曰性



微温療霍亂心痛主風水毒腫惡氣止吐逆亦合香  
用莖葉似水蘓宋洪芻香譜

藿香稟清和芳烈之性能止諸邪驅不正之氣藿亂  
吐逆者必需但葉屬陽主發生其性銳而香散不宜  
多服其莖方有節中虛今人恐葉多偽連枝梗用之  
不知葉主散莖主通各有不同耳清顧元交本草彙笈

藿香一名藿去病

明余國用事物異名

南州異物志藿香出海邊國形如都梁可著衣服中  
嶺南郡多有之二月生苗葉似桑而小薄六七月採

江淹藿香頌挂以過烈射以大芬摧沮夭壽天抑人

文誰及藿香微熏攝靈百仞養氣青雲明陳仁錫潛確類書

藿香嶺南郡多有之二月生苗葉似桑而小薄六月

七月採微温療風水毒腫去惡氣療霍亂心痛明王

三才圖會

藿香苓藿虛燥古人乃以合薰香也本草入藥水洗去


土梗用葉入門許浚東醫寶鑑

藿香藥名交州記比藿香干蘓合謂氣相似非形似  
也楞嚴經曰兜婁婆法華經曰多摩羅跋金光明經

本草綱目卷之八

曰鉢恒羅皆兜婁二字梵言涅槃經又謂之迦算香  
一物異名清廖論璣正字通

南州異物志藿香出海邊國形如都梁可著衣服中  
交州記藿香似蕙香廣群芳譜



增補庶物類纂草屬卷之八目次

山慈姑 附 野茨菰

白鮮皮

補骨子

大青

庶物類纂

草屬目次

山慈姑  
一名金燈  
一名鹿蹄草  
一名無義草  
一名朱姑

山慈姑

一名金燈

本草拾遺

一名鬼燈檠

本草綱目

一名朱姑

同上

一名鹿蹄草

同上

一名無義草

同上

俗名

本草綱目卷八

草屬

山慈姑

一

山慈姑

山慈姑根有小毒主癰腫瘡癩癰結核等醋摩傳  
之亦剝入面皮除疔蠅生山中濕地一名金燈花葉  
似車前根如慈姑零陵間又有團慈菰根似小蒜所  
主與此略同新補見陳藏器及日華子○嘉祐補注本草  
山茨菇根味辛苦有小毒俗呼金燈籠多生沙濕地  
初春萌孽葉如韭葉長青二月開花狀若燈籠色白  
瓣有黑點子結三稜立隻纔交其苗即稿依時掘地  
可得遲久腐爛難尋與老雅蒜略同在包裹上分別

本草綱目卷之八

蒜却無毛光禿茨菇包裹有毛得之去皮生焙任用  
生搗為拔毒敷藥頻換則靈焙研合玉樞神丹必資  
作主消癰疽無名疔腫散癰瘰有毒惡瘡蛇蝎咬傷  
並服神效明陳嘉謨本草蒙筌  
根狀如水慈姑花狀如燈籠而朱色故有諸名段成  
或酉陽雜俎云金燈之花與葉不相光人惡種之謂  
之無義草又有試劍草亦名鹿蹄草與此同名見後  
草之五明李時珍本草綱目  
山慈姑處處有之冬月生葉如水仙花之葉而挾二

月中枯一莖如箭筈高尺許莖端開花白色亦有紅  
色黃色者上有黑點其花乃象花簇成一朶如絲綉  
成可愛三月結子有三稜四月初苗枯即掘取其根  
狀如慈姑及小蒜遲則苗腐難尋矣根苗與老鴉蒜  
極相類但老鴉根無毛慈姑有毛殼包裹為異爾用  
之去毛殼同上  
山慈菝冬月生葉如水仙而挾二月中枯一莖如箭  
筈高尺許莖端開花白色亦有紅色黃色者上有黑  
點其花乃象花簇成一朶如絲綉成三月結子有三

本草綱目卷之八

草屬 山慈姑 三

稜四月苗枯即掘取其根遲則苗腐難覓以其花葉不相見故名無義草石蒜春初生葉如蒜秧皆有劍脊四散布地七月苗枯平地生出一莖長尺許莖端開花四五朵六出色紅如山丹花狀瓣長黃葉長鬚根狀如蒜皮色紫赤肉白色又一種葉如大韭四五月抽莖開花如小萱花黃白色者謂之鏤色箭切與一枝箭同一枝箭根無毛山慈姑有毛殼包裹為異耳

清顧元交本草彙箋

藏器陳氏曰山慈姑生山中濕地惟處州遂昌縣所

產者良冬月生苗如秋葉而稍小二月中抽一莖高尺許莖端作花有白黃紅色三種瓣上俱有黑點間雜象花攢簇成聚如絲紐結狀甚可愛也三月結實子有三稜四月中苗枯即掘取其根形似水慈姑而小又似大蒜而有毛遲則苗腐難覓一種葉如車前草莖幹花實則一也酉陽雜俎云花與葉不相見又謂之無義草今人多以金燈花老雅蒜根偽充之但山慈姑如看茸毛固殼老雅蒜根無毛而光為異也修治采時晒乾去毛殼用

清倪朱謨本草彙言



本草綱目卷之八

金燈一名山慈姑冬月生葉似車前草三月中拈根  
即慈姑深秋獨莖直上未分數枝一簇九朵正紅色  
光焰如金燈又有黃金燈粉紅紫碧九色者銀燈色  
白禿莖透出即花俗呼為忽地芙蓉花後發葉似水仙  
皆蒲生須分種性喜陰肥即栽於屋脚墻根無風露  
處亦活清陳湜子秘傳花鏡  
山茨菰葉如車前根如茨菰生山中濕地本俗名金  
燈籠花似燈籠色白上有黑點故以為名外用醋磨  
付之亦入丸散門入葉似韭花似燈籠結子三稜二月

長苗三月開四月苗拈即掘採根遲則苗腐爛其根  
上有毛包裹人不可識可於有苗時記其地至秋冬  
採之刮去皮焙乾沽心○許俊東醫寶鑑  
山慈姑一名金燈花與葉不相見又名無義草冬月  
生葉如水仙而狹四月取根製玉樞丹用之六合縣志  
野茨菰生田野處處有之飢歲人採其根煮食甚美  
倍方剪刀草根即野茨菰也丹治疔瘡用剪刀草即此  
也正傳○許俊東醫寶鑑

燕物類彙編

卷八

草屬

山慈姑

五

本草綱目卷八

白鮮

一名白羊鮮補注 一名白羶同 一名金雀兒

椒同 一名地羊羶圖經

本草綱目卷八

草屬 白鮮

本草綱目卷之八

白鮮

白鮮味苦鹹寒無毒療四肢不安時行腹中大熱飲  
米欲走小兒驚癇婦人產後餘痛生上谷川及寬甸  
四月五月採根陰乾梁陶弘景名醫別錄  
陶隱居云近道處處有以蜀中者為良俗呼為白羊  
鮮音仙氣息正似羊羶或名白羶唐本注云此藥葉  
似茱萸苗高尺餘根皮白心實花紫白色根宜二月  
採若四月五月採便虛惡也臣禹錫等謹按藥性論  
云白鮮皮臣治一切熱毒風惡風風瘡疥癬赤爛眉

本草綱目卷之八

髮脫脆皮飢急壯熱惡寒主解熱黃酒黃急黃穀黃  
勞黃等良日華子云通關節利九竅及血脉并一切  
風痺筋骨弱乏通小腸水氣天行時疾頭痛眼疼根  
皮良花功用同上亦可作菜食又名金雀兒椒嘉祐  
補注  
草木  
白鮮生上谷川谷及寬甸今河中江寧府徐州潤州  
亦有之苗高尺餘莖青葉稍白如槐亦似菜黃四月  
開花淡紫色似小蜀葵根似蔓菁皮黃白而心實四  
月五月採根陰乾用又云宜二月採差晚則虛惡也

其氣息都似羊羶故俗呼為白羊鮮又名地羊羶又  
名金雀兒椒其苗山人以為菜茹葛洪治鼠瘻已自  
石膿血出者白鮮皮煮汁服一升當吐鼠子乃愈李  
兵部手集方療肺嗽有白鮮皮湯方甚妙宋蘇頌圖  
經本草  
白鮮山谷具有苗莖尺餘嫩可  
作茹葉稍白似槐葉尤繁  
花淡紫四月  
開如蜀葵略小根與蔓菁彷彿心實皮色  
白黃二月採根皮差晚則虛惡也因輒作羊羶氣息  
故俗加羊字呼名俗呼為白羊鮮○明  
陳嘉謨本草蒙筌  
鮮者羊之氣也此草根白色作羊羶氣其子纍纍如

燕物類彙編卷八

草屬

白鮮

三

椒故有諸名 明李時珍本草綱目

白蘇皮味苦鹹氣寒無毒山谷俱有苗莖尺餘葉稍

白似槐葉尤繁花淡紫如蜀葵略小根似蔓菁心實

皮白二月采取根顛作羊羶息 清何培元本草綱目類纂必讀

白鮮生上谷川谷及寬甸今河中江寧府滁州潤州

皆有之苗高尺餘莖青葉稍白如槐亦似菜萹四月

開花淡紫色似小蜀葵根似蔓菁皮黃白而心實四

月五月採根陰乾用又云宜二月採差晚則虛惡也

其氣息都似羊羶故俗呼為白羊鮮又名地羊羶又

名金雀兒椒其苗人以爲菜味苦寒無毒主頭風黃  
疸眼痛一切熱毒風風瘡疥癬婦人產後餘血 明王  
三才  
圖會

本草綱目卷之八

補骨脂

一名破故紙開寶本草 一名婆固紙藥性論 一名胡

韭子日華本草 一名石菴藟三才圖會

本草綱目卷之八

草屬 補骨脂

應外類

補骨脂

味辛大温無毒主五勞七傷風虛冷骨髓傷敗腎冷  
精流及婦人血氣墮胎一名破故紙生廣南諸州及  
波斯國樹高三四尺葉小似薄荷其舶上來者最佳

梁陶弘景  
名醫別錄

臣禹錫云婆固脂一名破故紙味苦辛能主男子腰  
疼膝冷囊濕逐諸冷痺頑止小便利腹中冷日華子  
云興陽事治冷勞明耳目南番者色赤廣南者色綠  
入藥微炒用又名胡韭子

嘉祐補  
注本草

蘇物類彙編

草屬

補骨脂

二

補骨脂生廣南諸州及波斯國今嶺外山坂間多有之不及蕃舶者佳莖高三四尺葉似薄荷花微紫色實如麻子圓扁而黑九月採或云胡韭子也胡人呼若婆固脂故別名破故紙今人多以胡桃合服此法出於唐鄭相國自叙云予為南海節度年七十有五越地卑濕傷於內外衆疾俱作陽氣衰絕服乳石補益之藥百端不應元和七年有訶陵國舶主李摩訶知予病狀遂傳此方并藥子物疑而未服摩訶稽顙固請遂服之經七八日而覺應驗自爾常服其切神

驗十年二月罷郡歸京錄方傳之破故紙十兩淨擇去皮洗過擣篩令細用胡桃瓢二十兩湯浸去皮細碎如泥即入前末更以好蜜和攪令勻如飴糖盛於瓷器中且日以煖酒二合調藥一匙服之便以飯壓如不飲人以煖熟水調亦可服彌久則延年益氣悅心明目補添筋骨但禁食芸薹半血餘無忌此物自外蕃隨海舶而來非中華所有蕃人呼為補骨鴟語訛為破故紙也續傳信方載其事其義頗詳故并錄之

宋蘇頌圖  
經本草



本草綱目卷八

出南番者色赤嶺南者色綠酒浸蒸用亦有童便乳

浸鹽水炒者得胡桃胡麻良惡耳草明陳嘉謨本草蒙筌

補骨脂言其切也胡人呼為婆固脂而俗訛為破故

紙也胡韭子因其子之狀相似非胡地之韭子也明李

時珍本草綱目

補骨脂始生廣南諸川及婆斯國今嶺外諸山間多

有之不及蕃舶上來者佳莖高三四尺葉似薄荷花

微紫色實如麻子圓扁而黑九月採胡人呼為婆固

脂而俗訛為破故紙也名為補骨脂者言其切也明李

中立本草原始

破胡紙俗稱也胡人又呼為婆固脂此物本外番隨

海舶而來非中華所有清顧元交本草彙箋

本草綱目卷八

草屬 補骨脂 四

本草綱目卷八

大青

一名馬蘭綱目草  
一名大葉冬藍上同  
一名苳蘭  
一名板藍上同  
一名大藍上同  
一名甘藍上同

本草綱目卷八

草屬

大青

一

本草綱目卷八

大青

甘藍平補骨髓利五臟六腑利關節通經絡中結氣  
明耳目健久少睡益心力壯筋骨此者是西土藍闊  
葉可食治黃毒者作茹經宿漬色黃和鹽食之去心

下結伏氣唐陳藏器  
本草拾遺

陶隱居云療傷寒方多用此本經又無今出東境及  
近道長尺許紫莖除時行熱毒為良唐本註云大青  
用葉兼莖不獨用莖也臣禹錫等謹按藥性論云大  
青臣味甘能去大熱治溫疫寒熱日華子云治熱毒

本草綱目卷八

草屬 大青

二

風心煩悶渴疾口乾小兒身熱疾風癰天行熱疾及

金石藥毒無塗罽腫毒嘉祐補註本草

大青舊不載所出州土今江東州郡及荆南眉蜀濠

淄諸州皆有之春生青紫莖似石竹苗葉花紅紫色

似馬薺亦似芫花根苗三月四月採莖葉陰乾用古

方治傷寒黃汗黃疸等有大有青湯又治傷寒頭身強

腰脊痛葛根湯亦用大青大抵時疾藥多用之宋蘇頌圖

經本草

食醫心鏡云甘藍菜作莖茹煮食並得壺居士云隴

西多種食之漢地少有多食令人少睡宋唐慎微證類本草

大青味苦氣大寒無毒多生鄆蜀濠淄亦產江東州

郡葉綠似石竹莖紫花紅如馬薺根黃入藥用葉兼

莖春末夏初收採仲景書內每每擅名傷寒熱毒發

斑有大青四物湯飲効傷寒身強脊痛有大青葛根

湯服靈又單味大青煎湯治傷寒黃汗黃疸天行時

疫尤多用之仍罽腫癰且解煩渴小青異種惟產

福州屬福建土人用之治癰瘡取葉生搗敷上明陳嘉謨本草

蒙

蘇物類彙編卷八

草屬 大青 三


國立公文書館 National Archives of Japan

此亦大葉冬藍之類也。按胡洽居士云：河東隴西羗胡多種食之。漢地少有其葉長大而厚，煮食甘美，經冬不死，春亦有英，其花黃，生角結子，其功與藍相近也。

明李時珍本草綱目

謹按藍之種類多矣，諸說不正。時珍斷而為五種分之，亦未詳。今搜索諸子之解，且享保之朱船商携來生科之大青二種，種植之嘗試之，分明辨認矣。爾雅所謂葳馬藍，郭璞註云：今大葉冬藍也。蘇頌圖經本草云：有菘藍可為澱，亦名馬藍。爾雅

所謂葳馬藍是也。又揚州一種馬藍，四時俱有，葉類苦蕒菜，土人連根採服，治敗血，宗奭云：藍實即大藍實也。謂之蓼藍者非，是乃爾雅所謂馬藍者。解諸藥毒不可闕也。實與葉兩用。時珍云：菘藍葉如白菘，馬藍葉如苦蕒。郭璞所謂大葉冬藍，俗中所謂板藍者。又解甘藍云：此亦大葉冬藍之類也。按胡洽居士云：河東隴西羗胡多種食之。漢地少有其葉長大而厚，煮食甘美，經冬不死，春亦有英，其花黃，生角結子，其功與藍相近也。花鏡云：大藍



本草綱目卷八  
葉如蒿苴出嶺南又漳州府志云青澱即靛也以  
藍為之有馬藍其葉大今稱大青有槐藍其葉小  
今稱小青據此數說則爾雅之箴即本草之馬藍  
大葉冬藍菘藍板藍大藍甘藍皆一物而葉有大  
小花有紅黃比之吳藍蓼藍則葉大故有馬藍大  
藍菘藍板藍等之諸名冬不死故名冬藍有甘苦  
之二種指其甘而可食者為甘藍猶葶藶之有甘  
苦陳藏器所謂甘藍此是西土藍也葉潤可食是  
也故今斷以大青為本名以諸名為一名


大青其莖葉皆深青故名處處有之高二三尺莖圓  
葉長三四寸面青脊淡對節而生八月開小花紅色  
成簇結青實大如椒顆九月色赤明李時珍  
本草綱目  
大青氣寒味微苦鹹能解心胃熱毒不特治傷寒也  
朱肱活人書治傷寒發赤斑煩痛有犀角大青湯大  
青四物湯故李象先指掌賦云陽毒則狂斑煩亂以  
大青升麻可回困篤同上  
小兒卒然肚皮青黑則血氣失養風寒乘之危惡之  
候也大青為末納口中以酒送同上

陶隱居云出東境邊道及江東州郡今荆南眉蜀濠州所在亦有之春生青紫莖似石竹高二三尺對節作葉長三四寸面青脊淡七八月開花如蓼色紅紫亦如芫花狀結實青碧大若椒粒霜降則紅三四月采莖葉陰乾用清倪朱謨本草彙言

大青味甚苦氣大寒無毒多生鄱蜀濠淄亦產江東州郡葉綠似石竹莖紫花紅如馬蓼根黃入藥用梗葉春末夏初收清何培元本草綱目類纂秘續

藍數種摠謂之藍其大葉者別名馬藍釋草云歲林之

切馬藍郭氏曰今大葉冬藍也疏云今為澱者是也凡物大於其類者多以馬名之今人言亦然蓋諸藍之類松藍惟堪染青蓼藍不堪為澱雅作碧色故以馬藍為作澱之藍崔實曰榆莢落時可種藍五月可刈藍六月可種冬藍冬藍木藍也八月用染子虛賦曰其高燥則生歲析苞荔薜莎青蘋歲馬藍也析似燕麥苞蘆也荔馬荔薜賴蒿莎鎬候青蘋似莎而大凡此皆非佳草於用亦希何足以侈雲夢蓋古之君子觀地之所產以知其土之美惡今高燥埤濕眾物




居之則地之美富可知故自馬藍以下皆載之也本草唐本註云藍圓徑二寸許厚三四分出嶺南云療

毒腫太常名此草為木藍子宋羅願爾雅翼

大青味苦寒莖紫而色紅廣信府志

機謹按此綱目之二說雖非形狀產土之解然此草倭漢近世之醫家不識用之故抄古方中最有奇効者備致也享保之末船商携來江南浙江兩種之大青而上之官其江南者本草綱目際草之部所載甘藍之一種而亦彷彿于此所說大青之

形矣蓋大青素不出藍類疑甘藍大青一類二種也故時珍干甘藍條云甘藍大葉冬藍之類也按胡洽居士云河東隴西羗胡多種食之漢地少有其葉長大而厚煮食甘美經冬不死春亦有英其花黃生角結子其功與藍相近也船貿之一種稱浙江大青者蓼藍也





應  
外  
類  
竹  
卷  
八



